

Pagina Rumantscha

Objektyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **66 (2004-2005)**

Heft 8: **KJPD-GR und Bündner Schulblatt**

PDF erstellt am: **06.08.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ina viseta en scola bilingua a Cuera

Silvio Derungs, Surcasti

Ella scola bilingua a Cuera vegn instruiu scolars e scolaras primaras da tuttas valladas romontschas en rumantsch grischun. Il rumantsch grischun dat era tier nus da discutir. Perquei hai jeu sco president dil Cussegl da scola da Suraua (Lumnezia-sut) vuu prender investa sez dalla situaziun e sun l'annunziaus per ina viseta tier la 4. e 5. classa dalla scola bilingua (partiziun romontscha) a Cuera. Ils 14 da schaner 2005 ha la scolasta Annatina Guidon beneventau mei cordialmein en sia classa. Il mument ein 10 scolars dalla 4. classa e 7 scolars dalla 5. classa tier dunna Guidon. Sco detg discuoran ils scolars differents idioms ed ils geniturs ein magari da dus differents lungatgs. Jeu sun staus impressiunau con bein che la scola vegn menada. Per ils scolars ei quei negin problem d'emprender rumantsch grischun.

Menor ina retscherca ch'jeu hai fatg tier differents geniturs ei il rumantsch grischun acceptaus senza resalvas. Quels ch'ei per buccai san buca capir ch'ei dat tonta oppoziun enviars il rumantsch grischun. Plinanon han geniturs punctuau con lev ch'ei seigi per lur affons dil rumantsch grischun tiel talian. Ina damonda ei aunc buca sclarida; vegn il rumantsch grischun era praticaus sil

scalem superiur. Quella damonda ei impurtanta per ils affons che van ussa ella tschunavla classa.

Miu meini personal

Magistra Annatina Guidon ha demonstrau fetg bein co ei va da dar scola en rumantsch grischun schizun cun paucs mieds d'instrucziun. Perquei sedamondel jeu sche nus che habitein ora ellas regions essan buc empau temeletgs encunter enzatgei niev ch'ins sa buca propi co ei va ora. Lein nus mantener il romantsch a liunga vesta, stuein nus plaunsiu trer per la medema suga ed aunc ella medem direcziun. Quei che dat a mi da patertgar ei buc il rumantsch grischun en scola mobein il romantsch plidauz ellas uniuns, en radunonzas, supraprastonzas, cussegls da scola ed aschia vinvon. Adina daplirs en vischnaucas romontschas meinan sesidas orientaziuns, etc. per tudestg. E quei era lu sche mo singuls san buca romantsch. In exempel ein era inscripziuns e tablas d'informaziuns en lohens turistics; il bia mo tudestg!

Jeu sperel che fasa in da quella discussiun – il sevilar e selamentar – seigi gleiti a fin. A Cuera ella scola bilingua ein nos affons senza problems ella fasas dus nua ch'ei va

per experimentar. E nos beadis vegnan a praticar il rumantsch grischun senza difficultads – sil pli cun in surrir sur da quels teaters e quellas carplinas ch'ei vegni inscenaiv pervia dil rumantsch grischun en nos temps!



Silvio Derungs

president dil Cussegl da scola Suraua (tochen stad 2005), commember dalla supraprastonza communal da Suraua e consu-prastont dall'Associazion dals Cussegl da scola dal Grischun.

Agenda

4 da zercladur 2005 allas 11.00 uras: avertura dil «CTLC Mustér» (Community technology and learning centers) – in center tecnologic d'emprender

4 da zercladur 2005 allas 16.00 uras: radunonza generala dalla Renania

12 da zercladur allas 17.00 uras rangaziun dalla «Plema d'aur» e «Miur romontscha» 2005 a Trin

10 da zercladur tochen 24 d'oct. 2005 exposiziun "Globi" ella casa melna a Flem; mira p. 30

8 da zercladur 2005 radunonza generala dalla CMR, ella Scola chantunala a Cuera